

# 令示

## 陸軍部頒行維持地方治安臨時軍律文 附軍律及示

照得民軍之起原以光復漢室擁護人權爲第一要義寧省自光復以來軍隊雲集其能恪守軍律風紀者固係多數而在外滋擾者亦復不少近日本部所收商民訴狀如假託長官名義擅自查封房屋搜抄家產等已有數起一處如此他處可知都會如此外省外州縣更可知似此不法行爲殊屬妨害治安有悖弔民伐罪之本旨若不嚴行振整禍將胡底茲特由本部暫定維持治安臨時軍律十二條頒行各軍隊明白宣示使知所警惕倘仍不自愛貽害地方在統御各軍隊長官既負維持軍紀風紀之責即應將該軍士詳慎審訊取具切實供證按照本部所訂軍律懲辦可也

計開維持治安臨時軍律十二條

- 一 任意擄掠者槍斃
- 一 強姦婦女者槍斃
- 一 焚殺良民者槍斃

一無長官命令竊取名義擅封民屋財產者槍斃

一硬搬良民箱籠及銀錢者槍斃

一勒索強買者論情抵罪

一私鬥殺傷人者論情抵罪

一私入良民家宅者罰

一行竊者罰

一賭博者罰

一縱酒行凶者罰

一有類以上滋擾情形者酌量罰辦

陸軍部示諭

照得民軍起義 原以保衛民生

各省同時響應 恢復府州縣城

秩序井然不亂 中外久著聲稱

現在虜廷未滅 正宜軍民一心  
彼此互相愛敬 毋爲異族所乘  
庶幾早平北部 同享共和太平  
近聞各路軍隊 不無滋擾情形  
其中固有假冒 告訐亦實紛紛  
願我軍人自愛 勿忘記義初心  
願我商民安業 不必猜疑互生  
部定簡明軍律 現已頒布實行  
偷敢在外滋事 卽屬不法軍人  
定卽按律懲辦 以保地方安甯  
如有匪徒假冒 一律嚴拿重懲  
自此剴切曉諭 其各安分凜遵

外交部委任設立捕獲裁判所文

附請設捕獲裁判所文及海軍部派員會辦文

上海卡德路九十號駐滬通商交涉使溫鑾勳電悉現在戰禍重開亟應設立捕獲裁判所擬請兄爲所長以丁君榕及蔡君序東副之所有應行頒布章程請卽擬定寄下以便由中央政府核准施行伍君現任司法總長責任甚重恐難兼顧關君擬請來部襄助一併附聞惠鑒

附請設捕獲裁判所文

孫大總統外交部海陸軍部暨稽查軍火自是要着惟各國兵艦運件往口因駐滬諜報科查獲扣留領事噴有煩言輾轉解說一有不洽易生枝節而戰時查捕實難鬆勁惟有頒立條件速設捕獲戰品裁判所分別訊辦以濟其窮堯爲慎重外交戰事起見此舉萬不容緩勝任愉快莫若伍廷芳丁榕關應麟深明法律諸君擬請中央速定委任催其迅行組織辦理是爲切要溫宗堯勳印

附海軍部議決派員會辦文

上海卡德路九十號溫欽甫鑒閣議決捕獲裁判所由海軍部派專員一人會同辦理外交部東

## 陸軍部禁止私自招兵募餉文

各省都督江北都督第一軍司令長柏第二軍司令長徐及各處司令長鑒本部自成立以來調查民國義師其編成正式軍隊者現時爲數已多實足敷北伐之用曾經電知各處非有本部命令不得擅行招募乃查近來以個人名義呈請招募或逕自招募者仍不乏人查其究竟甚至自稱軍官名號聯絡痞棍藉詞籌餉擾害地方殊悖本部整飭軍隊之本旨茲特重行申禁務請各飭所屬原有軍隊嚴加訓練如有呈請招募者一概不准其敢託名招募擾害地方者卽迅速嚴拿由各該處軍法會議訊取供證電部核辦決不寬縱以肅軍紀陸軍部冬印

### 教育部批示橫濱華僑學堂值理繆菊辰等稟請立案並賞給匾額

稟及章程具悉該商等僑居海外愛戴宗邦創建小學以教育華商子弟四載以來頗著成效熱心毅力深足嘉褒章程大致無謬惟新刊課程表尙沿滿清弊制急宜遵照本部所頒暫行章程分別修正仰該商等益加勉勵以求日新又聞該校學生特備禦寒品數百件餽送軍人義勇之風聞者興起足見該商等暨該校教員訓迪有方臻此效果應准

如稟立案至請賞給匾額一事仰候稟明大總統核辦遵行此批 二月二日

### 陸軍部總長佈告宜正名稱文

爲佈告事自各省代表謀組織臨時政府舉與爲大元帥與以德薄能鮮固辭不受乃改舉鄂都督黎爲大元帥而興副之興復未敢受職逮臨時大總統選舉既定強命興爲陸軍部總長不得已乃行就職當即通電各省取銷元帥名義前月十五補賀元旦復親對各軍將校申明此旨通告在案現時各省軍隊以及各團體或個人似尙未盡悉文函電稟或稱大元帥或稱副元帥參差不齊舉皆失實夫稱謂各有相當名正則言順不可濫假也初各省代表之舉大元帥原爲暫虛大總統之位而以大元帥攝其事也今總統既已正式蒞職按諸法理統率海陸軍大權自應屬之總統今仍以業經取銷之元帥名義辱加諸興在稱者或未詳察然興甚懼國民心理不知注重於國家兵權之統一而外人見名稱岐出亦以不能統一而見疑因小誤大甚非民國之幸也近來興對於此種稱謂之文電處置頗難繩以嚴格之法律名稱不正之公文當然無效興既不敢爲正式之答復欲不復則又以關係緊要遲延擱置恐誤事機是復既不復亦覺非宜以一名稱

之誤而致使輿兩爲其難殊無謂也用再明白布告興現任陸軍部總長之職來往文件應稱現職所有已取銷之大元帥副元帥名目自不得更相沿用經此次布告之後如有沿用者無論何事概不作復以正名義而保證制此佈陸軍部總長黃興

## 紀事

### 大總統覆中華國貨維持會函

逕覆者來書備悉貴會對於易服問題極力研求思深慮遠具見關懷國計與廛念民艱熱忱無量欽佩禮服在所必更常服聽民自便此爲一定辦法可無疑慮但人民屈服於專制淫威之下疾首痛心故乘此時機欲盡去其舊染之污習去辦之後亟於易服又急切不能得一適當之服式以需應之於是爭購呢絨競從西制致使外貨暢銷內貨阻滯極其流弊誠有如來書所云者惟是政府新立庶政待興益以戎馬倥傯日夕皇皇力實未能兼顧及此而禮服又實與國體攸關未便輕率從事且卽以現時西式裝服言之鄙意以爲尙有未盡合者貴會研求有素諒有心得究應如何創作抑或博採西製加以改良卽由貴會切實推求擬定圖式詳加說明以備採擇此等衣式其要點在適於衛生便

於動作宜於經濟壯於觀瞻同時又須絲業衣業各界力求改良庶衣料仍不出國內品實有厚望焉今茲介紹二人藉供貴會顧問一爲陳君少白（香港中國報館）一爲黃君龍生（廣東省海防）陳君平日究心服制黃君則於西式裝服製作甚精并以奉白藉頌公安

外交部電各省都督保護外人文 附九江司令官復電

各省都督鑒停戰期滿軍事再興恐有不法之徒乘機滋擾害及外人生命財產頃奉大總統命通電各省都督加意保護此佈外交部三十一

（附）九江司令官朱漢濤覆電保護外人文

中央外交部鑒三十一電悉除遵照來電通知各軍隊轉電南昌馬都督一體照辦暨由滬外交局示諭城廟並移知九江府警務部妥飭兵差認真防範保護外人生命財產外特此電覆九江司令官朱漢濤東

簡任各員名單

南京府知事

方潛



財政顧問

龐元澂

兼大本營兵站總監陸軍部總長兼參謀部總長

黃興

兼大本營兵站次監參謀部次長

鈕永建

北方招討使

譚人鳳

參謀薦任各員名單

參謀部總務局局長

譚師范

參謀部第一局局長兼大本營作戰局局長

史久光

參謀部第二局局長

王孝縝

參謀部第三局局長

胡龍驥

大本營兵站局局長

黃邨

參謀部第四局局長兼大本營兵站局副局長



黃慕松

參謀部陸地測量局局長

黃篤謐

陸軍部申報查明石鳳明受傷療治給恤文

陸軍部爲申報事本月二十二日奉命令內開據鎮軍第一標第一營前隊二排二棚副  
目石鳳鳴稟稱因中彈受傷請給費接換假腿情實可矜惟該副目傷狀如何曾否已由  
鎮軍賞卹仰應發醫費之處仰貴部查明酌核辦理以慰士心等因奉此遵卽飭下軍衡  
局會同軍醫局派員馳赴赤十字會第二團醫院調查去後茲據該員報告該副目左腿  
確已鋸斷受傷情形深堪憐憫並訊已否得有賞卹據稱并未給卹等情前來復電詢該  
管長官據覆亦屬相符查該副目受傷甚重似非赤十字會所能療治經傳知軍醫局臬  
回本部陸軍醫院醫治俟就全愈給換假腿一隻以利行動至如何賞卹之處已飭軍衡  
局酌核受傷等次發給卹銀以示體恤而勵將來所有查明該副目石鳳鳴受傷情形暨  
療治給卹緣由理合備文具覆呈請鈞鑒伏乞察核施行須至申者

電報

孫大總統馮自由先生鑒聞大總統委定自由兄督粵甚感燭明行期已逼急求得代務  
懇速卽赴任以定人心炯明經電請龍濟光帶所部濟軍返省以防新軍出發後無主力  
兵隊鎮壓昨已派廣利先往北海迎載約初五六日可抵省垣此間尙有新練模範標一

標留不北發且有殺生執信諸兄相助爲理粵省可保無虞敬乞馮公早蒞俾燭明得與  
軍士偕行大局幸甚燭明叩冬

(廣東來電)

孫大總統黃大元帥鑒徐州光復宿爲最早凡有治理悉守民國範圍張賊北潰佔徐宿  
以彈丸小邑恃有民國保護故對於浦兵到甯防堵倚若長城詎張賊於停戰期內猝派  
軍隊攻佔宿之審灣鎮浦兵昨忽退去致北軍擬分路大進宿城危在旦夕商民萬分急  
急竊思宿邑既爲光復之地民國卽負有保護之責他縣聞風亦恐解體惟有籲懇總統  
大帥卽日遴派得力援軍星夜馳至以保宿城而顧大局宿遷紳商士民陳光甲沈薪蒞  
葉蔚張鴻鼎胡光季學源公叩三十號

(宿遷來電)

孫大總統伍代表各省都督鈞鑒頃據段軍統祺瑞派來全權代表與敝處接洽一切并  
要求並敝處給與照會以便回復其照會文如下爲照會事據貴軍統派來全權代表吳  
光新徐樹錚等本軍政府代表孫武余大鴻張大昕等接洽貴代表稱貴軍統主張共和  
援師北上恐敵軍前道距離太近致生衝突妨碍進行等因本軍政府代表陳述前來本  
都督甚表同情當派本軍政府代表等與貴代表公同商酌旬日之內必可解決現約定

陰歷本年之內敵軍保持現狀其有鄂境以外者本都督亦設法維持如陰歷年內不能解決敵軍即當前進以資援助爲此照會貴軍統查照可也須至照會者云云特此電聞再據該代表面述段軍統言凡北軍退出地點即歸鄂軍管理合併聲叙元洪先印

大總統陸軍部總長暨各部總長均鑒今日午後招商總局在張園開股東大會其美扶病赴會承乏代表各股東全體承認無一反對洵屬熱心愛國深明大義從茲餉糈有出健兒北伐犁庭掃穴指顧間耳惟該局股東既如此熱心顧全大局應請大總統電致謝悃以資鼓勵切盼滬都督陳其美叩東

(上海來電)

孫大總統黃陸軍總長鑒頃得袁內閣齟一電亟接徐州張提督電稱我軍遵守信約決不前進請電伍代表飭民軍迅止進攻等語希查照切實禁阻以維和局並復云云特爲轉致如何覆表請卽示知廷芳東一印

(上海來電)

孫文先生鑒艷電悉僕忝領軍隊近二萬人均係鄉里子弟之軍歷經戰陣幸無怯懦所以不願終以武力競爭者亦不過愛惜同胞不欲自相殘害之意耳僕雖武人尙明情理毋待再思因與段制軍聯請袁宮保具情代奏幸親貴意已轉移北方一帶當無他虞但

願彼此尊重人道篤守信義終可永享和平幸福專此奉復希併轉南京各都督將領爲荷姜桂題元

(北京來電)

孫大總統鈞鑒本日杜君自行決意辭責公留未允紳商軍學各界因公舉虞君克昌暫行護理山東都督職務急候胡君經武來烟以便主持一切事關山東全局務請轉告胡君火急啓程萬勿再延山東紳商軍學各界同人公叩

(烟臺來電)

萬火急上海民立報轉南京孫大總統黃總長武昌黎副總統上海伍部長各省各軍政分府各軍司令長各報館鑒議和期滿奉命北伐浦地各軍無統一機關深恐不便乃於昨日在江北都督府開軍事會公舉陸軍部札委江北孫總參謀長岳爲浦鎮揚聯軍總司令卽日出發於陽歷二十六號浦軍張統領長林率一混成協駐紮宿遷二十九號續開一標係吳統帶帶領三十號揚軍米統領占元又開一協進發三十一號鎮軍臧統帶在新率兵一標機關槍二隊炸彈兩隊會合揚軍李統帶兼共成一協均歸孫總司令岳統率指揮浦地仍餘防營及鹽務二十餘營暨揚鎮兩標統歸張統領性節制所有後方接應公推鎮軍張統領性陳參議伯盟駐浦與蔣都督就近籌商軍備事宜清江浦公叩

昭

(清江來電)

孫大總統武昌黎副總統鑒旅滬豫晉秦隴士紳組織紅十字會先由紅十字隊長王冬  
編偕同醫生等二十人赴秦豫戰地實行雙方救濟請通知各路統領照章護送以重人  
道并祈迅復以便定期出發伍廷芳三十二號

(上海來電)

孫大總統陸軍部總長黃武昌黎副總統安慶孫都督上海陳都督民立報館公鑒祺自  
蒞蕪以來忝司軍令今值停戰期滿北伐在即率同第二營管帶陳步義第三營管帶鄭  
迺成第四營管帶傅家珍暨參謀官李鐸陳承經籌備員齊俊卿組織步隊一標砲隊一  
隊尅期北伐先以電聞皖蕪北伐軍司令官劉祺叩供號

(蕪湖來電)

火急甯孫大總統武昌黎副總統鈞鑒援川滇軍第二師團長李鴻祥於正月十六日率  
隊到瀘敵處歡迎到城十七日滇軍分隊下合江家彬等以客軍遠來難悉該處情形且  
合江被圍月餘前辦事諸人未能解決家彬等受事僅旬日曾迭派人和平交涉深恐客  
軍到彼齟齬特由司令部長黃方帶隊同往於十八日方先到合城城內開門投降當即  
布置一切下解散圍城各軍轉請滇軍進城駐紮代辦善後事宜方於二十一日率隊回

瀘道經蔡璣滇軍伏兵襲擊卽迫繳槍械將黃方及將弁軍士百數十人盡行殺害某等聞之不勝駭異蓋黃方本屬同盟會黨人於偽清光緒三十三年同黨人熊克武在成都倡義事洩被趙賊爾豐永遠監禁九月成都獨立後始克出獄現李鴻祥在瀘城出示捏誣瀘軍搶劫不受勸諭先行開鎗等語意在借此掩飾家彬等以大局尙危未便輕開內釁交涉仍守和平謹此電聞設法維持顧全目前大局前事曲直姑候大局定後再求公判川南軍分府楊家彬鄧邦植席成元廬峻李鴻彥王樹等同印

(川南來電)

南京孫大總統武昌黎副總統鑒昨接川南軍政府楊家彬等稱援川滇軍第二旅長李鴻祥分隊下援合江中司令部長黃方隊同往方先到合城城內開門投降轉請滇軍駐城中代辦善後事宜方率隊回瀘道經蔡璣滇軍伏隊襲擊迫繳槍械將黃方及將弁軍士百數十人盡行殺害等語旋又接援蜀滇軍李鴻祥電稱黃方韓儋帶赴兵合既未預先通告該兩員又未能約束部下以至入境肆行搶掠敵軍前往婉勸阻止彼卽開槍轟傷數人士氣難遏致開戰鬪黃韓二人及軍士數人登時擊斃等語爲時據雙方報告情形不同十分焦灼現在秦中告警千萬火急電文日四五至援陝問題非常吃緊吾川及

客軍方且統一聯合之不暇何可內殘同胞外增虜焰貽禍大局見笑外人茲特派聯合滇黔蜀北伐團全權大使胡景伊副使劉聲元中路支隊總指揮但懋辛等赴隴前往調和排解顧全大局一面確實調查務祈和平解決早日聯師北伐特此電聞蜀軍都督張培爵夏之時叩經

(蜀省來電)

二月二日總統府謁見人名單

中華民國工黨總部代表員徐繼會 英領事偉晉頌 前同知銜候補知縣黃培楷  
廣東陸軍畢業生鄺國華 浙江同盟分會代表姚勇忱 法學士菊池良一 法學士  
山田純三郎 法學士森恪 馬國文 株式會社大倉組取締役門野重九郎 株式  
會社大倉組取締役熊谷直道 株式會社大倉組取締役河野久太郎 株式會社大  
倉組取締役宮崎寅藏 何永享 劉德裕 梁少文 韓賓禮



# 第四號勘誤表

十五 同 十四 十三 十二 十一 十 九 同 同 同 同 一 同 同 同 首 頁

一 十二 五 七 五 七 十三 九 同 八 七 二 七 六 五 四 行

原誤	各都督	呈正副總統	普通教育	普通教育	各都督	呈副總統	教育部總長蔡	電陳通電	鈞案貴府	由公自海外歸	倚執事	奠我士疆	係一百兩	淮揚徐海	指示方針	不必需定
勘正	各都督購閱本報	教育部呈正副總統	附普通教育	附普通教育	各都督購閱本報	教育部呈正副總統	教育部總長	電陳鈞案	通電貴府	明公自海外歸	倚執事	奠我士疆	係一百萬兩	淮揚徐海	指示方針	不必配定

## 本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰令示曰紀事曰電報曰抄譯外報曰雜報

其子目見前

四 本報日出一册如遇國家紀念日政府停止辦公時本報亦休刊一日

五 政府對於各地所發令示或宣布法律凡載登本報者公文未到以本報到後爲有效

六 凡各官署皆有購閱本報之義務唯具印文請領者皆照定價五折徵納餘另詳前價目表